



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

**Beati, Gabriele**

**Augustæ Vindelicorum, 1729**

**VD18 80376800**

42 An iniusta excommunicatio à legis obligatione excuset.

**urn:nbn:de:hbz:466:1-39888**

## Q V A E S T I O . LXII.

*An iniusta excommunicatio, à legis obligations  
excuset.*

## C A S Y S.

**C**ANONICVS quidam, quamvis esset in Ciuitate, à Choro tam abesse consueverat. Accidit autem, vt propter calumniam illi falsò impositam, & per Testes sufficientes probatam, à suo Episcopo fuerit Excommunicatus, cùque de causà, tribus integris mensibus à Choro absuerit; Quibus elapsis, detecta tandem calumnia, ab Episcopo fuit absolutus. Quæritur; Vtrum recipere, ac exigere possit distributiones, illis tribus mensibus respondentes,

## S V M M A R I U M.

- 1 *Iniusta excommunicatio, non videtur impedimentum sufficiens Choro non assistendi.*
- 2 *Non est infirmitas, aut necessitas corporalis, vel Ecclesia vitilas.*
- 3 *Præsertim post à consuetudine Choro non assistendi.*
- 4 *Iniustè excommunicatus, exigere potest distributiones Choro assistentibus debitas.*
- 5 *Pœnam subire non debet, cum non deliquerit.*
- 6 *Impedimentum, fuit necessarium.*
- 7 *Nec ob alterius actionem, damnum pati debet.*
- 8 *Absentia à Choro, fuit coacta.*
- 9 *Et orta ex iniusta alterius actione.*
- 10 *Ei sunt debitæ distributiones, quamvis alijs Canonicis iam collatæ.*
- 11 *Idemque, de beneficij fructibus dicendum est.*

## R A T I O N E S D V B I T A N D I.

**S**Upèrēt adhuc difficultas de excommunicacione iniusta, an ipsa saltem esse possit impedimentum, legitimè excusans à legis obligatione. Videtur enim non esse; ideoque Canonicum distributiones percipere non posse. Ita *Conarruias 3. Variarum; cap. 13. Henr. lib. 13. cap. 13. num. 4. S. v. benef. num. 48.*

Primò; Quia usu receptum videtur, vt distributiones ijs solùm conferantur, qui Diuinis Officijs intersunt, nisi absint, vel ob infirmitatem, vel ob necessitatem corporalem, vel ob utilitatem propriæ Ecclesiæ de consensu Capituli; sic enim habetur cap. *Consuetudinem; de Clerico non residente.* Canonicus autem, propter nullum horum absuit.

Secundò; Quia, cum haberet consuetudinem Choro non assistendi, ex eadem consuetudine præsumitur absuisse, non verò



verò ex legitimo excommunicationis impedimento.

## RESOLVTIO.

**R**espondet tamen; Canonicum recipere, & exigere posse distributiones, tribus illis mensibus respondentibus.  
*P. Nauarr. lib. 2. de rest. cap. 2. n. 238. A-silia par. 2. cap. 6. disp. 6. dub. 1. concl. 1.*  
*Filliuc. tract. 12. cap. 5. num. 133. Mone-  
ra de distribut. par. 2. quest. 15. Bonacini.  
disp. 2. quest. 2. pun. 4. §. 2. num. 5. &  
alij communiter.*

6. **P**rimò; Quia, qui ante infirmitatem Choro assistere non solebat potest pro tempore Infirmitatis, distributiones percipere; In iure enim, absolutè decernuntur, Infirmum distributiones percipere posse; Ergo etiam, qui ante iniustam excommunicationem Choro non solebat assistere, poterit pro tempore quo ex iniustâ excommunicatione absuit, distributiones percipere; cum enim priuatio distributionum, sit pœna, subeunda non videtur ab eo, qui non deliquit; *cap. Sic ut dignum, de homicid.*

7. **S**ecundò; Quia, quamvis Canonicus, consuetudinem haberet Choro non assistendi, mutatātamen voluntate, poterat interesse; & quamvis antea animum haberet non assistendi, deponere tamentalem animum poterat, eoque deposito assistere, & ideo eius absentia protunc punitur, quia poterat non abesse. At, posita iniusta excommunicatione, interesse non poterat, sicut non posset, posita infirmitate. Ergo quemadmodum propter absentiam ex infirmitate, distributiones non amittit, ita neque illas amittet

*R. P. Beati Lib. II.*

propter absentiam ex iniustâ excommunicatione; alioquin Ecclesia Innocentem puniret.

Tertiò; Quia nemo, absque sua culpa, damnum, aut incommodum, ob iniustum alterius actionem, pati debet, Si autem Canonicus distributiones percipere non posset, incommodum, sine sua culpa, ex iniusta Calumniatorum actione, pateretur.

## OBJECTIONVM SOLVTIO.

**N**eque obstant rationes in contrarium. Ad primam enim Respondetur: Canonicum absuisse non liberè, sed coactè, ob iniustum excommunicationem. Hoc autem sufficit, vt distributiones percipere possit, sicut potest, cum coactè abest ob infirmitatem; ne innocens, sine sua culpa, ob alterius iniuriam, damnum patiatur.

Ad secundam Respondetur; Maxima esse disparitatem inter duas illas absentias à Choro; Nam vna est libera, alia coacta, vna ex praua consuetudine, alia ex iniustâ alterius actione. Potuit ergo iustè priuari distributionibus propter primam absentiam, quia fuit culpabilis; non verò propter secundam, quia fuit sine culpa, & nemo sine culpa puniri debet.

## COROLLARIA.

**C**olligitur ex dictis primò; Posse hunc Canonicum, propriè innocentiā detectā, distributiones repetrere, licet eo tempore alijs Canonicis assistentibus fuerint collatae; quia alij Canonici non acquisierunt ius perfectum ad illas distributiones, sed solùm imperfectum, &

Bb reuo-

reuocabile; acquisierunt enim ius solum, ex suppositione culpabilis absentiae aliorum Canonicorum. Cum ergo Canonicus, culpabiliter non absuerit nec per ipsum steterit, sed fuerit legitimè impeditus, ad eius distributiones, nullum ius plenum, & irreuocabile acquisuerunt, ideoque illas reddere tenentur. Addit *Filliuc.* Canonicum, illas repetere posse etiam ab iniustis Accusatoribus; Cum enim ipsi fuerint causa iniusta illius damni, illud resarcire tenentur. *Filliuc. n. 133.*

Secundò; Quod dictum est de distri- 12  
butionibus, dicendum etiam esse de fru-  
ctibus, vel redditibus beneficij, Nam  
habetiam, cognitâ excommunicationis ini-  
ustitia, repeti possunt ab eo, qui eos  
tenet, vel à Iudice; si enim hic malâ fi-  
de excommunicauit, eos in conscientia  
restituere tenetur, quia fuit causa iniusta  
talis damni; ratio est, quia cum eorum  
priuatio sit pena, ea affici non debet, qui  
non deliquit. *Sayr. lib. 2. n. 25.*

## Q V A E S T I O X L I I I .

*An voluntas Creditoris, sit causa sufficienter excusans à Legis obligatione.*

C A S V S.

**P**RINCEPS quidam, obtinat à Summo Pontifice excommunica-  
tione contra Abbatem Lerinensem, si intra tres menses, debitam  
ei pensionem non solueret, eidem Abbat deinde enixè petenti; in-  
scio Pontifice, solutionis terminum prorogauit usque ad sex menses;  
quibus elapsis, Abbas debitam pensionem soluit. Quæritur; Vitrum  
Abbas, cum pensionem; post tertium mensum non soluerit, in excom-  
municationem inciderit.

### S V M M A R I V M .

- 2 Lex in gratiam alicuius lata, videtur ab eo suspendi non posse.
- 4 Cum nullam habeat iurisdictionem.
- 5 Verba Censure, efficiunt id, quod signifi-  
ficiant.
- 6 Vere tamen suspendi potest.
- 7 Superior, solum intendit, ut illi satisfiat.

- 8 Huiusmodi lex, est conditionalis;
- 9 Ille, in cuius gratiam lata est, legis ma-  
teriam subtrahere potest.
- 10 Et obligationem suspendere.
- 11 Sicque tollere contumaciam, ac deli-  
ctum.
- 12 Et legis effectum, non directè ac potesta-  
tiue, sed indirectè.

13 Per